

eine pro defunctis singen, de ander de beata virgine und de andern schullen pro defunctis leszen, de eine nach dem andern in der genannten kerken und den alweldigen got beneffen der fürsten von Brunsswig⁵⁷⁾ zelen vor der genannten hern Hermen Gusteritzs, hern Johann Thuritz, Rolefs Benemolen und Hinrick Werneken zeligen zelen also vor de fundatores und stifter der commendenden und unser leven fruwen tyde und ok vor de genannten testamentarien und alle andere, de dusse dinge truwelick, flitig und gern hebben fordern helpen und fordern, dar to vor alle de jennen de dar hantrekinge und hulpe gedan hebben, itzundes don und noch dar to don werden⁵⁸⁾ willen und alle, de uth der bemelten begiftigers und stifters geslechten und oren tobehorigen frunden vorstorwen sint und vorsterwen werden und dar sunderlicks nicht von fordern effe nehmen und de ver commendisten schullen ok boven dusse memorien neine memorien mehr tho holdend annehmen.

Dem proveste nicht vorfengklich in oblationibus
aut aliis etc.

Dusse ver commendisten schullen dem proveste gehorsam unde nergen ane vorfencklick⁵⁹⁾ an syner gerechticheit wesen, ok schal dusse fundation ome unshedelick syn⁶⁰⁾ und wes dussen commendisten uppert altar geoppert wert, schullen se dem proveste gelyck anderen vicarien effe commendisten allewege verpflichtet syn to antwordende, se schullen ock in dem fest und sondagen in oren religion mede erneuren und wan sick dat wol behoren wil, alsdenne gelyck andern prestern mede to kore stan und singen helpen ock in eren religion.

Buten Luchow neyne kercken unde bynnen Luchow
neyne officianten annemen.

Se schullen ock buten neyne kercken vorhegen und respiceren, ock nein officiaturen dar to Luchow in der

⁵⁷⁾ Am Raude: und Luneborg. — ⁵⁸⁾ werden unterpunftiert.

— ⁵⁹⁾ syn durchstrichen, dafür übergeschrieben en — wesen. —

⁶⁰⁾ wesen durchstrichen, dafür syn.